

'Komponen PH teguh di belakang Dr Mahathir'

BH - 21/2/2019 m/s: 17

➔ Mat Sabu dakwa pembangkang cuba alih isu krisis kepercayaan ahli



Mohamad Sabu

Oleh Mohd Nasaruddin Parzi
bhnews@bh.com.my

➔ Kuala Lumpur

Dakwa kononnya wujud komplot untuk membuat undi tidak percaya terhadap Perdana Menteri, Tun Dr Mahathir Mohamad sengaja ditimbulkan pembangkang untuk mengalih pandangan rakyat terhadap pertuduhan dan siasatan yang dihadapi segelintir pemimpin mereka.

Presiden Parti Amanah Negara (AMANAH), Mohamad Sabu, berkata tindakan itu juga dibuat bagi menutup krisis kepemimpinan yang sedang membelit parti berkenaan sehingga mengikis kepercayaan ahli sendiri.

Beliau berkata, AMANAH per-

caya usaha itu dibuat bagi menggugat kestabilan dan mengganggu fokus kerajaan Pakatan Harapan (PH) yang sedang bekerja keras untuk menjejaskan kehidupan rakyat.

"Ingin ditegaskan, tidak timbul langsung soal undi tidak percaya terhadap Dr Mahathir.

Reformasi menyeluruh

"AMANAH dan parti komponen lain dalam PH sentiasa teguh di belakang Dr Mahathir dalam usaha melakukan reformasi menyeluruh dan menambah baik tadbir urus negara," katanya dalam kenyataan semalam.

Beberapa pemimpin PAS sebelum ini dipanggil Suruhanjaya Pencegahan Rasuah Malaysia (SPRM) berhubung siasatan dana RM90 juta yang



Keratan laporan akhbar BH kelmarin.

didakwa diterima daripada UMNO dan dikaitkan dengan 1Malaysia Development Berhad (1MDB).

Mohamad yang juga Menteri Pertahanan turut meminta ahli AMANAH untuk terus menumpukan kepada usaha mengembangkan dan menambah keahlian anggota parti.

"Paling penting, kita perlu bekerja keras untuk memastikan calon Pakatan Harapan menang dalam Pilihan Raya Kecil (PRK) (Dewan Undangan Negeri) Semenyih yang sedang kita hadapi," katanya.

Mohamad mengulas dakwaan PAS kononnya parti pem-

bangkang itu akan menyokong Dr Mahathir sehingga Pilihanraya Umum Ke-15 (PRU-15) jika ada komponen PH yang belot kepada Perdana Menteri.

Isu ditimbulkan PAS

Isu itu ditimbulkan oleh PAS ketika cuba menjelaskan mengenai sokongan bertulis parti itu yang dikatakan diserahkan kepada Dr Mahathir ketika pertemuan Presidennya, Datuk Seri Abdul Hadi Awang; Setiausaha Agung PAS, Datuk Takiyuddin Hassan dan Menteri Besar Terengganu, Dr Ahmad Samsuri Mokhtar dengan Dr Mahathir baru-baru ini.